

## بسم الله الرحمن الرحيم



ما هو عدد برامج ال ICDL

٧ برامج

### ما هي ٧ برامج

- ١- دراسة مفاهيم تكنولوجيا المعلومات
- ٢- نظم التشغيل والتعامل مع الملفات xp
- ٣- برنامج الورد
- ٤- برنامج الأكسيل
- ٥- برنامج اكسيس
- ٦- برنامج باور بوينت
- ٧- الأنترنت وتكنولوجيا المعلومات

### ايه الفرق بين الميزانية والمركز المالي ؟؟؟

المركز المالي : هو قائمة توضح أصول وخصوم المنشأة ... يعني حقوق والتزامات المنشأة ... يعني ايه اللي للمنشأة وايه اللي عليها ... في اي يوم في السنة.  
يعني في اي يوم نجي نروح عاملين موقف للمنشأة عارفين ايه اللي ليها وايه اللي عليها ونحطه في صورة قائمة تبقى دي اسمها المركز المالي.

\*\*\*\*\*

### طب ايه هي الميزانية العمومية ؟

هي : مركز مالي.....  
ايه مركز مالي ... يعني أصول وخصوم المنشأة ... حقوق والتزامات المنشأة  
طب ايه الفرق ؟ الفرق ان الميزانية العمومية هي مركز مالي للمنشأة في نهاية السنة المالية. يعني في نهاية السنة المالية في آخر يوم في ٦/٣٠ مثلاً بنعرف حقوق والتزامات المنشأة فتبقى اسمها الميزانية العمومية

\*\*\*\*\*

### الفرق بين الميزانية والموازنة ؟؟؟

الميزانية العمومية :

هي زي ما قلنا عباره عن قائمه توضح أصول وخصوم المنشأة ... حقوق والتزامات المنشأة في نهاية السنة المالية ويتكون معها الحسابات الختامية ( ح / المتاجرة وح/ الأرباح والخسائر ) اللي بيوضحوا نتيجة نشاط المنشأة من ربح أو خسارة عن الفترة المالية السابقة.  
يعني ايه ؟؟ يعني ان الحسابات الختامية هي اللي بتوضح مصروفات السنة اللي فاتت الفعلية وايرادات السنة اللي فاتت الفعلية لكن الميزانية العمومية توضح حقوق والتزامات المنشأة في نهاية السنة

## طب ايه هي الموازنة ؟؟؟

الموازنة التقديرية : هي عبارة عن تقدير لابرادات ومصروفات المنشأة للسنة القادمة أو لعدة سنوات قادمة  
الفرق بين المصروفات الابرادية والمصروفات الرأسمالية ؟؟

أولاً نحب نعرف ايه هو المصروف:

هو عبارة عن نفقة ( يعني <-- فلوس بادفعها ) في سبيل الحصول على ايراد.  
 يعني بادفع مثلاً ايجار للمحل ... ليه ؟؟ علشان أبيع منه واحصل على الابراد.  
 بادفع مثلاً أجور ومرتبات للعاملين ... ليه ؟؟ علشان ينتجوا واحصل على الابراد .  
 يبقى المصروف بادفعه في سبيل الحصول على الابراد .

المصروف الابرادية : هو مصروف يحقق الابراد في نفس السنة المالية .

المصروف الرأسمالي : هو مصروف يتحقق الابراد في عدة فترات مالية ويؤدي إلى زيادة الطاقة الانتاجية للمنشأة .  
 يعني مثلاً : مصروف الأجور والمرتبات بتدفع كل شهر عن عمل الموظفين عن الشهر يعني كل شهر بياخدو مرتباتهم فيها بيدخلوا للمنشأة ابراد في نفس الشهر ..... يبقى مصروف الأجور والمرتبات مصروف ابرادي .  
 ومثلاً : م الدعاية والإعلان ... الشركة مثلاً عملت حملة اعلانية ضخمة استفادت بها المنشأة على كذا سنة .. يعني ساعدت على تحقيق الابرادات خلال عدة سنوات ... يبقى المصروف ده مصروف رأسمالي .  
 مثال ثاني:-

مصروف الصيانة ... عملنا صيانة للألات والمعدات للمنشأة علشان ترجع تنتج تاني يبقى المصروف ده مصروف ابرادي .  
 طب لو جينا عملنا صيانة للألات مش علشان ترجع تشتعل تاني بس ولكن تزيد طاقتها الانتاجية ... يعني بدل ما تنتج مثلاً عشر وحدات خليناها تنتج ١٥ وحدة يعن زودنا كفائتها الانتاجية والزيادة دي مش ه تكون في أول سنة بس ؟؟ لا طبعاً ... في السنين المتالية اللي بعديها . يبقى المصروف ده في هذه الحالة مصروف رأسمالي .

\*\*\*\*\*

## ما الفرق بين المخصص والاحتياطي ؟؟

أولاً : نحب نقول لكم على حاجة الأول ...

أي منشأة صاحبها بيعملها علشان يكسب من ورائها أرباح يستفيد بيها .... وعلشان صاحب المنشأة أو الشركة مش يفضل يسحب فلوس من الشركة لحد ما تتعذر رأس ماله ... حددنا في المحاسب جزء أو ( حساب بمعنى المحاسبين ) هو ده بس اللي يسحب منه .... لأن بعد كده هيبدا يستهلك رأسماله في الشركة .... وطبعاً لو فضل على الحالة دي (( يعني يسحب من رأسماله )) هيفاجأ إن الشركة مش بتاعته بقت بتاعة الدائنين اللي عاوزين حقوقهم .... وبالتالي هيعلن افلاسه .  
 علشان كده قلنا لازم نخلي حساب خاص للأرباح هو بس اللي يتسبح منه الفلوس .

يعني ممكن نعرف الأرباح : على أنها الزيادة في حقوق الملكية لأصحاب المنشأة .

وأيضاً ممكن نعرف الخسائر : على أنها النقص في حقوق الملكية لأصحاب المنشأة .

نرجع لموضوعنا ... الفرق بين المخصص والاحتياطي

المخصص والاحتياطي ... الاثنين مبلغ يستقطع من الربح لمواجهة خسارة متوقعة .

واحنا طبعاً عارفين مبدأ الحيطة والحذر : اللي هو إنه ينبغي على الشركة تحطاط لكل خسارة متوقعة وتحذر من كل إيراد

غير محقق.

الفرق إن المخصص يتم تكوينه في حالة تحقق ربح أو تحقق خسارة يعني جيري (فرضته مبادئ ومعايير المحاسبة) لكن الاحتياطي لا يتم تكوينه إلا في حالة وجود أرباح فقط ويكون اختياري على المنشأة (إلا البنوك وشركات التأمين). فرق ثاني إن المخصص يكون لمواجهة خسارة حقيقة أو متوقعة بنسبة كبيرة (مثل مخصص الأهلاك) أما الاحتياطي فيكون لمواجهة خسارة متوقعة ولكن احتمال وقوعها ضئيل (مثل مخصص ارتفاع أسعار الأصول الثابتة) يعني فيكون لدعم المركز المالي

\*\*\*\*\*

### ما هو الحساب الذي لا يظهر ضمن ميزان المراجعة ؟؟

الله ... يا سلام ... سؤال سهل جدا....

أولا : لازم نعرف الحسابات اللي بتظهر في ميزان المراجعة بتظهر ليه !! لأن ميزان المراجعة محصلة وملخص لعمليات سابقة عليه هي مراحل نظام المحاسبة اللي هي:-  
تجميع الأحداث المالي <----- تسجيل الأحداث المالية في قيود يومية <----- توثيق الأحداث المالي في ح/ الأستاذ  
<----- تلخيص عمليات السابقة في ميزان المراجعة

### طب ايه هو الحساب أو البند الذي لا يمر بكل هذه المراحل .... ???

بضاعة آخر المدة .... لأنها تكون نتيجة جرد وليس نتيجة قيد يومية ، يعني يتم جرد البضاعة وتقييمها ثم وضع قيمتها مرة دائن في ح/ المتاجرة ومرة مدينة في الميزانية العمومية تحت بند الأصول المتداولة

### ايه الفرق بين الكمبيالة والسند الاذني ؟؟

أولا : الكمبيالة والسند الاذني يطلق عليهما الأوراق التجارية ... وهما وسيلة من وسائل الائتمان التجاري.... حاسب ... حاسب ياعم انت ايه الكلام الكبير ده ... وحده وحده علينا ... ايه الائتمان التجاري دة ???  
الائتمان التجارى ده : عبارة عن تأخير دفع ثمن البضاعة المشتراء وذلك لحد الحال ما يتحسن الحال ... بيستفيد بها التجار المشترى في توفير سيولة لوقت مؤقت ... وبيستفيد بها التجار البائعين في جذب المشترين وترويج بضاعتهم .

### طب ايه الفرق بين الكمبيالة والسند الاذنى ؟

الكمبيالة عبارة عن أمر كتابي يصدر من الدائن إلى المدين بطلب فيه دفع مبلغ معين إلى الدائن أو إلى شخص ثالث المستفيد وذلك فور الاطلاع عليها أو في تاريخ معين ... يعني .....

حسين اشتري بضاعة من محمد بالأجل  
يبقى حسين مدین و محمد دائن

يجي محمد يقول لحسين اكتب لي كمبيالة مقابل البضاعة

عبارة عن ايه الكمبيالة محمد يأمر حسين بأنه يدفع مبلغ الكمبيالة في تاريخ معين وبمضي عليها حسين انه موافق على الدفع محمد بقى ممكنا يأخذ هو الفلوس دي .... او ممكن يبقى هو مدین لشخص ثالث عبد الله مثلا فيروح كاتب اسم عبدالله على الكمبيالة ويروح عبد الله لحسين علشان يأخذ فلوسه منه.

### يبقى الكمبيالة ليها ثلاثة أطراف

- 1- حسين المدين ( المسحوب عليه ) هو اللي هيدفع الفلوس لأي حد يجيب له الكمبيالة
- 2- محمد الدائن ( الساحب ) هو ده الدائن الأول لحسين اللي حرر الكمبيالة مع حسين
- 3- عبد الله الدائن لمحمد ( المستفيد ) وهو اللي هيقبض الفلوس من حسين

### ملحوظة:::

ممكن محمد يكون هو المستفيد يعني ممكنا يقبض هو الفلوس بتعاته على طول من حسين وممكن عبد الله يكتب اسم شخص رابع دائن لعبد الله وهو اللي يروح يصرف الفلوس من حسين وهكذا....

السند الاذني : هو تعهد كتابي يتعهد فيه المدين بدفع مبلغ معين للدائن في تاريخ محدد.

يعني يتعهد حسين المدين ( المسحوب عليه ) بدفع مبلغ لمحمد الدائن الأصلي لحسين ( المستفيد ) في تاريخ معين.  
يبقى الفرق إن أطراف الكمبيالة ثلاثة والسند الاذني اثنين فقط

\*\*\*\*\*

ايه الفرق بين أوراق القبض وأوراق الدفع ??

أوراق القبض وأوراق الدفع يطلق عليها الأوراق التجارية ... وهي الكمبيالة والسند الاذني...

بس الفرق إنه لما يكون المسحوب عليه في الكمبيالة والسند الاذني هو الشركة أو المنشأة تبقى دي أوراق دفع تظهر ضمن الخصوم المتداولة في قائمة المركز المالي أو الميزانية  
أما لو كان المستفيد من الكمبيالة والسند الاذني الشركة أو المنشأة تبقى دي أوراق قبض بتظهر ضمن الأصول المتداولة في قائمة المركز المالي أو الميزانية  
يعني لو هنقبض من الورقة التجارية تبقى أوراق قبض لكن لو هندفع تبقى أوراق دفع .

\*\*\*\*\*

ايه الفرق بين أوراق القبض وبين الأوراق المالية ???

علشان يكون في العلم أوراق القبض والأوراق المالية هي من الأصول المتداولة  
أوراق القبض زي ما عرفنا هي الكمبيالة أو السند الاذني اللي بيكون المستفيد فيها هي الشركة أو المنشأة  
لكن الأوراق المالية هي الأسهم والسنادات اللي بتشتريها المنشأة علشان تأخذ عائد من ورائها.-

\*\*\*\*\*

هل المبيعات مدينة أم دائنة ؟؟؟

### أولاً ما هي أنواع الحسابات ؟؟

أنواع الحسابات هي:-

حسابات حقيقة : وهي الحسابات التي تعبر عن شيء حقيقي يمكن جرده ويمكن التصرف فيه - بالبيع مثلا - وهي مثل ( الأصول الثابتة ) ( مخزون البضائع ) ( الأوراق التجارية والمالية ) ( النقدية بالصندوق والبنوك )

حسابات شخصية : وهي المتعلقة بالأشخاص ، والأشخاص نوعين شخص حقيقي مثل ( محمد ، علي ، حسين ، ..... وهكذا ) وشخص معنوي مثل ( شركة .... ، مصلحة .... ، مؤسسة .... ، ..... وهكذا )

حسابات وهمية أو أسمية : وهي عكس الحقيقة أي لا يمكن جردها ولا يمكن التصرف فيها لا بالبيع أو بالشراء.

وهي مثل ( المصارف والإيرادات ) فمثلا ح/ الإيجار هل يمكن عده أو جرده هل يمكن أن أبيع شوية إيجار . ،

وأيضا مثل ( الخسائر والأرباح ) هل يمكن عد أو جرد الخسائر أو الأرباح لا يمكن طبعا . وأيضا مثل ( المشتريات

والمبيعات ) ايه لا استنى لحظة ... ازاي المشتريات والمبيعات لا يمكن جردها !!! هي مش بضاعة !!

لا .. لا ... ح/ المشتريات وح/ المبيعات مش بضاعة هي عبارة عن قيم للبضاعة والدليل ان احنا مش خليناهم في حساب

واحد لأن المشتريات بسعر التكلفة والمبيعات بسعر البيع فلا يمكن أن يوضعوا في حساب واحد وبالتالي فح/ المشتريات

هي عبارة عن حساب أسمى فقط تم عمله لمعرفة قيمة البضاعة المشتراء بسعر الشراء أو التكلفة ، وح/ المبيعات عبارة عن

حساب أسمى فقط تم عمله لمعرفة قيمة البضاعة المباعة بسعر البيع ، فالحسابين لا يعبران عن شيء حقيقي

نرجع للسؤالنا ايه هو الحساب المدين من الدائن

### جميع الحسابات الحقيقة مدينة

\*\*أما الحسابات الشخصية فهي مدينة لو أخذت ودائنة لو أعطت يعني بالبلدي لو واحد أخذ منك فلوس هيفي ايه ؟؟ ... طبعا مدين ، ولو واحد أعطاك فلوس هيفي ايه ؟؟؟ .... طبعا دائن

\*\*أما الحسابات الوهمية أو الأسمية

بالنسبة للمصارف والخسائر والمشتريات كلها مدينة وبالنسبة للإيرادات والأرباح والمبيعات كلها دائنة

## عرف الدورة المستندية وأعطي مثلا منها ???

الدورة المستندية : من أسمها كده نعرف ان هي بتتكلم عن حركة المستندات داخل الشركة . وكون ان هي دورة لان حركتها داخل أي منشأة تتبع دورة الفلوس والأموال داخل الشركة يعني ايه ياعم انت ... يعني أنا لم أدفع فلوس علشان أشتري بضاعة وأدفع مصروفات وبعدين أبدأ أبيع وأستلم فلوس البيع علشان تبدأ تاني عملية اني أدفع فلوس وأشتري بضاعة ..... وهكذا

جميع المستندات التي تدل على اثبات جميع هذه الحركات تسمى بالدورة المستندية وهي عبارة عن ايه -: عند دفع الفلوس يتم تحرير ايصال صرف نقدية معتمد من المدير المالي والمدير العام للشركة ويقع مستلم الفلوس على الايصال ( هي سايبة ولا ايه )

عند شراء بضاعة فهناك فاتورة مشتريات بقيمة هذه البضاعة وإذن اضافة بالمخازن لاثبات استلام البضاعة ووضعها داخل مخازن الشركة ومتناوش التوقيع والاعتماد من مدير المشتريات والمدير العام

عند بيع البضاعة هناك فاتورة مبيعات من الشركة للعميل وكمان اذن صرف من المخازن يثبت أن البضاعة تم صرفها والعميل وقع على أنه استلمها عند استلام فلوس من من أحد العملاء أو من المبيعات النقدية يتم تحرير ايصال استلام نقدية ويوقع عليه أمين الخزينة . وهكذا

## ما هي طريقة تقييم المخزون ؟؟؟

هذا السؤال كثيرا ما يرد في أي انتر فيو للمحاسبين ،، ولكن خلي بالك في سؤال تاني في نفس الموضوع ناس كتير بتتلخبط بينهم وهو ...

## ما هي طرق تسعير المخازن ؟؟؟

وطبعا الفرق إن السؤال الأول بيtalk عن طريقة تقييم المخزون والمقصود بالمخزون هنا يعني بضاعة آخر المدة ... يعني لما نجي مجرد البضاعة طبعا بنجردها كميات ... طب وايه اللي هيحصل بعد كده ؟؟ طبعا لازم ندي قيمة وسعر لهذه البضاعة

هو ده اللي بنسميه طريقة تقييم المخزون

والطريقة المتتبعة والساندة هنا هي طريقة التكلفة أو السوق أيهما أقل ازاي

يعني بعد ما جردننا نأخذ آخر سعر للبضاعة دي اللي احنا اشتراها بيها ونقارن بيها وبين سعرها في السوق الأقل هو ده اللي احنا هنسعر بيها البضاعة الموجودة في المخازن آخر المدة.

### طب ايه معنى السؤال الثاني ؟؟؟

**السؤال الثاني** بيتكلم عن طرق تسعيير المخازن ، يعني البضاعة لما تخش المخازن بتدخل بسعر الشراء اللي احنا اشتراها بيها وبعد كام يوم نشتري بضاعة تانية ولكن بسعر أعلى شوية وبعد كام يوم تانين السعر زاد تاني وممكن يقل ( ما هو مفيش أماناليومين دول ) ، ولكن لما بتصرف من المخزن بتطلع بأي سعر ؟؟ لأن السعر مش ثابت كل يوم بيتغير.

وهنا هناك ثلاثة طرق لتسعيير البضاعة في المخازن وهي:-

أولاً: الوارد أولاً يصرف أولاً:

ايه ده أولاً في كله... يعني البضاعة لما بتدخل في المخازن بسعر نبدا نصرف منها بنفس السعر الأول اللي احنا اشترينا بيها لحد لما تخلص الكميه وبعدين نخش على الكميه والسعر اللي بعده وهكذا

مثلاً:

اشترينا ٥ كمبيوترات بسعر ٢٥٠٠ جنيه للجهاز ودخلوا المخزن وبعدين اشترينا ٣ كمبيوترات تانين ولكن بسعر ٢٦٠٠ جنيه للجهاز ودخلتاهم المخزن أول ما نيجي نصرف مثلاً ٤ كمبيوترات من المخزن هيكونوا بسعر ٢٥٠٠ جنيه سعر أول بضاعة خرجت ولو جينا صرفنا ٢ كمبيوتر تانين من المخزن هيكون واحد بسعر ٢٥٠٠ واحد بسعر ٢٦٠٠ يعني نفضل نأخذ سعر أول بضاعة جاية لحد لما تخلص الكميه اللي عندنا

ثانياً : الوارد أخيراً يصرف أولاً:

وهي عكس الطريقة الأولى يعني نصرف من المخزن البضاعة بسعر آخر بضاعة دخلت المخزن لحد لما تخلص الكميه وبعدين نخش على الكميه اللي قبلها وهكذا. مثلاً:

في حالتنا السابقة دي

اول لما نيجي نصرف أربع كمبيوترات من المخازن هنصرف ٣ كمبيوترات بسعر ٢٦٠٠ جنية وبعدين نصرف كمبيوتر واحد بسعر ٢٥٠٠ جنية يعني صرفنا بأخر سعر دخل المخزن لحد ما خلصت الكميه وبعدينأخذنا بسعر اللي قبله وهذا وأول لما نصرف ٢ كمبيوتر من المخزن هنصرفهم بسعر ٢٥٠٠ جنيه

### ثالثاً : طريقة متوسط السعر:

يعني بالبلدي نأخذ متوسط سعر بين اللي الاثنين يعني نجمع السعر الأول + السعر الثاني ونقسمهم على ٢ مثلاً في حالتنا السابقة دي أول لما نيجي نصرف الأربع كمبيوترات من المخازن نصرفهم بسعر ٢٥٥٠ جنية وهو ده متوسط السعر بين الاثنين حسبناها ازاي كد هو..

$$2500+2600$$

$$\frac{-----}{2} = 2550$$

2

ولما نصرف ٢ كمبيوتر تانين نصرفهم بسعر ٢٥٥٠ برضو ولما نشتري مثلًا ٣ كمبيوترات تانين بسعر ٢٧٠٠ جنية اذن يتم الصرف بسعر ٢٦٢٥ جنية ازاي

$$2550+2700$$

$$\frac{-----}{2} = 2625$$

2

### وهكذا وهنا نكون عرفنا أيضا الفرق بين المخزون والمخزن:

الفرق إن المخزون ده عبارة عن البضاعة الموجود داخل المخزن آخر المدة

أما المخزن فهو المكان نفس اللي بتتخزن فيه البضاعة يعني لما تدخل فيه بضاعة بيكون مدين ولما بتتصرف منه بيكون دائن

### ما الفرق بين ( Perpetual Inventory System & Periodic Inventory System )

هذا السؤال أورده أحد الأخوة الأفاضل اتعرض عليه في انتر فيو ،، أولاً عاوزين نعرف ايه معنى كل مصطلح منها؟

## Perpetual Inventory System

ويعني ((نظام الجرد المستمر))

وي يعني ((نظام الجرد الدوري))

ايه الفرق بين النظامين ؟؟

-نظام الجرد المستمر هو ان الشركة بتعمل حساب ضمن حسابات الشركة هو ح/ المخزن ،، هذا الحساب يدخل فيه حركة المخزن كلها.

يعني عند شراء المنتجات ودخولها المخزن بنقول

من ح/ المخزن

إلى ح/ ((الحدث المكمل ليه)) ول يكن الخزينة

و عند صرف البضاعة وبيعها وخروجها من المخزن بنقول

من ح/ ((الحدث المكمل ليه)) ول يكن العملاء

إلى ح/ المخزن

يعني بنفضل تقيد كل حركة بتحدد على البضاعة ((المخزن)) يوم بيوم.

-أما نظام الجرد الدوري هو أن الشركة تعمل حساب مستقل لكل حدث على المخزن.

يعني عند شراء المنتجات ودخولها الشركة بنقول

من ح/ المشتريات

عند البيع نقول

إلى ح/ المبيعات

عند رد المبيعات نقول

من ح/ مردودات المبيعات

عند رد المشتريات نقول

إلى ح/ مردودات المشتريات

وفي نهاية السنة بنعمل جرد للمخزون وبيكون هو ده مخزون آخر المدة.

3- المهم النظام الأول وهو نظام الجرد المستمر بيستخدم غالبا في الشركات الصناعية وعند الصرف من المخزن بنصرف خامات بتدخل في العملية الإنتاجية فبيكون القيد كما يلي(جروب ان شاء الله هنشتغل)  
من ح/ التشغيل

إلى ح/ المخزن ( خامات ) يعني بنقل حساب المخزن في حساب التشغيل  
أما نظام الجرد الدوري فغالبا بيستخدم في الشركات والمؤسسات التجارية.

\*\*\*\*\*

#### ما المقصود بالاعتمادات المستندية؟

الاعتمادات المستندية كاملة

نبدأ خطوه خطوه فى تعريف الاعتمادات المستندية  
طرق الشراء من الخارج أو تمويل التجارة الخارجية  
الاعتمادات المستندية: و هي تعتبر الوسيلة الأهم والأكثر شيوعا ، و ذلك لقدرتها على تقليل حدة المشاكل بين المصادرين و المستوردين إلى الحد الذي تختفي معه تماماً أية منازعات إذا ما نفذت الأطراف المعنية إلتزاماتها المحددة بشروط الإعتماد.  
التحويلات :و تتم هذه الطريقة إذا كانت العلاقة بين المصدر و المستورد جيدة جداً

تابع ١... الاعتمادات المستندية

#### تعريف الاعتماد المستندى:

هو تعهد من فاتح الإعتماد (البنك) للمستفيد من الإعتماد (المصدر) بناءً على طلب عمله (المستورد) بأن يدفع قيمة الإعتماد فور وصول مستندات الشحن مطابقة لشروط الإعتماد لذا فهو عقد ثلثي الأطراف بين كل من المصدر و المستورد و البنك الضامن هو تعهد يصدر بواسطة بنك المشتري بدفع قيمة الكمبيالة للبائع.

هو تعهد يصدر بواسطة بنك المشتري ( طالب فتح الإعتماد ) أو لحسابه الخاص بدفع قيمة الكمبيالة ( سواء بالإطلاع

أو آجلة Time Draft ) أو المستندات المقدمة للبائع بشرط مطابقتها لكافية شروط الإعتماد ، و هو ما يرضي رغبة الطرفين من حيث السيولة و المصادر الإنتمانية.

مميزات الأعتماد المستندي في تسهيل تمويل التجارة الخارجية:

يكون عن عملية واحدة و وعد بالدفع غير قابل للرجوع فيه.

يخفض الأخطار التجارية لضمان الدفع بواسطة البنك مصدر الإعتماد.

يخفض الأخطار الاقتصادية و السياسية.

يعفي البائع من دراسة إمكانية المشتري في الدفع من عدمه.

لا يكون المشتري مطلباً بتغطية كامل قيمة الإعتماد ، و يسمح له في الحصول على أفضل سعر إذا كان الدفع عن طريق الحساب المفتوح أو التحصيل.

القوانين التشريعية و المدنية و التجارية ، و قوانين العقود و العرف ( التجاري و المصرفي )

يلاحظ أنه : أي خلل يفصل فيه البنك المركزي أولاً ثم غرفة التجارة الدولية و عليه يوضع المتسبب في قائمة ال Black List ، إلا أن الإعتماد ما زال لا يحمي من عمليات النصب و ذلك لأن البنك طرف غير مسئول و دوره هو فحص المستندات و لا يستطيع معرفة ما إذا كانت هذه المستندات مزورة أم لا.

### أطراف الإعتماد المستندي

أ- المستورد : و هو طالب فتح الإعتماد

ب- البنك فاتح الإعتماد : و هو بنك المستورد

ت- البنك مبلغ الإعتماد : و هو بنك المصدر ( يظهر في حالة إنعدام الثقة )

ث- المستفيد : و هو المصدر

### العلاقة التعاقدية:

العلاقة بين البائع و المشتري.

العلاقة بين المشتري و البنك مصدر الإعتماد.

العلاقة بين البنك مصدر الإعتماد و البائع.

### العلاقة فيما بين البائع و المشتري

و هي مرحلة ما قبل فتح الإعتماد فيها تتم إتصالات بين المصدر (المورد) و المستورد (المشتري) للاتفاق على كافة تفاصيل الرسالة مع الأخذ في الاعتبار الإعتبارات السياسية و الإقتصادية و القانونية التي قد تؤثر على الرسالة أو العملية محل الاتفاق ، و متى تم الاتفاق على ما يلي:

البضاعة / الخدمة المتفق عليها Merchandise

عقد البيع Contract

تفاصيل الشحن و التسليم Delivery terms

طريقة الدفع Payment

المستندات المطلوبة Documents

التأمين على البضاعة و تغطيته Insurance

يرسل المصدر للمستورد فاتورة مبدئية أو صورية تسمى:

Performa invoice

و التي توضح

أسعار البضاعة The Price Of Goods

شروط الدفع Terms Of Payment

شروط التسليم Terms Of Delivery

### اهم جزء في الاعتمادات

و من أشهر شروط الشحن التي يتم التعامل بها:-

التسليم محل البائع .. تسليم المصنع Exporter Factory

حيث يقوم البائع بتسليم البضائع للمشتري أمام أو على بوابة مصنع البائع ، و يتحمل المشتري كافة تكاليف نقل البضائع إلى

ميناء الشحن و تكاليف التحميل و الشحن إلى ميناء الوصول و التفريغ و كذا التأمين على البضائع.

و يتم إحتساب سعر التسليم محل البائع بإضافة كل من تكلفة المواد الخام + مصاريف التشغيل + مصاريف البيع + الربح

>>>Free Along Side >>>F.A.S

حيث يقوم البائع بتسليم البضائع للمشتري بجوار السفينة أو الطائرة أو أي وسيلة أخرى للشحن تم الإتفاق عليها ، و يتحمل

المشتري كافة تكاليف التحميل و الشحن إلى ميناء الوصول و التفريغ و كذا التأمين على البضائع.

و يتم إحتساب سعر التسليم بجوار الباخرة بإضافة كل من تكلفة المواد الخام + مصاريف التشغيل + مصاريف البيع + تكاليف

الشحن إلى ميناء الوصول + الربح و من أشهر شروط الشحن التي يتم التعامل بها:

<<<Free On Board / الطائرة >>>F.O.B

حيث يقوم البائع بتسليم البضائع للمشتري على ظهر وسيلة الشحن ، و يتحمل المشتري كافة تكاليف الشحن إلى ميناء

الوصول و التفريغ و كذا التأمين على البضائع

و يتم إحتساب سعر التسليم ظهر الباخرة بإضافة كل من تكلفة المواد الخام + مصاريف التشغيل + مصاريف البيع + تكاليف

الشحن إلى ميناء الوصول + تكاليف التحميل على ظهر وسيلة الشحن + الربح.

Cost and Insurance >>C & I

و في هذه الحالة يقوم البائع بتسليم البضائع للمشتري ظهر و سيلة الشحن و يقوم بالتأمين عليها ، و يتحمل المشتري كافة

تكاليف الشحن إلى ميناء الوصول و التفريغ.

و يتم إحتساب سعر التسليم ظهر الباخرة بإضافة كل من تكلفة المواد الخام + مصاريف التشغيل + مصاريف البيع + تكاليف

الشحن إلى ميناء الوصول + تكاليف التحميل على ظهر وسيلة الشحن + التأمين على البضائع + الربح.

و من أشهر شروط الشحن التي يتم التعامل بها:

<<<<Cost and Freight >>>>C & F

التسليم ميناء الوصول حيث يقوم البائع بتسليم البضائع للمشتري ميناء الوصول

دون التأمين عليها ، حيث يتحمل المشتري تكاليف التفريغ و التأمين على البضائع.

و يتم إحتساب سعر التسليم ظهر الباحرة بالإضافة كل من تكلفة المواد الخام + مصاريف التشغيل + مصاريف البيع + تكاليف الشحن إلى ميناء الوصول + تكاليف التحميل على ظهر وسيلة الشحن + تكاليف الشحن إلى ميناء الوصول + الربح.

التسليم ميناء الوصول مع التأمين C.I.F <Cost , Insurance and Freight>>>>> حيث يقوم البائع بتسلیم البضائع للمشتري ميناء الوصول مع التأمين عليها ، و يتحمل المشتري تكاليف التفريغ فقط .  
و يتم إحتساب سعر التسليم ظهر الباحرة بالإضافة كل من تكلفة المواد الخام + مصاريف التشغيل + مصاريف البيع + تكاليف الشحن إلى ميناء الوصول + تكاليف التحميل على ظهر وسيلة الشحن + تكاليف الشحن إلى ميناء الوصول+ التأمين على البضائع + الربح. و هي القيمة التي على أساسها يتم احتساب الضريبة الجمركية لذا تظهر بشهادة الإجراءات التي تصدرها مصلحة الجمارك

#### الاعتمادات المستندية ..الجزء العملي

بعد فتح الإعتماد المستند يظل البنك مصدر الإعتماد ينفق على الرسالة ، و يرسل إشعارات ( خصم من حساب المشتري ) بكافة المصاريف و الرسوم.

مثل : م . فتح الإعتماد - عمولة فتح الإعتماد - م . التلكس و الفاكس - م . إدارية متنوعة مثل م. وزارة الاقتصاد - و أية دفعات تم دفعها للمصدر مثلا ١٠ % من قيمة الإعتماد ، ٩٠ % من قيمته....  
و على ذلك يتم إضافة كافة العمليات المالية التي تخص الرسالة على تكلفة الإعتماد المستند في ح / الإعتماد المستند فتكون القيود المحاسبية على النحو التالي:

من ح/الاعتماد المستند او الرسائل الاستيراديه  
الى ح/البنك

او عند سداد المستخلص الجمركي

من ح/الاعتماد المستند....م. تخلص جمركي  
الى ح/الحسابات المدينه او الدائن...المستخلص

و بذلك يكون تم تعليمة تكلفة الإعتماد المستند بكافة المصاريف بما فيها قيمة الإعتماد ذاته  
ويفصل ضريبه المبيعات و ضريبه الارباح التجاريه و الصناعيه فى القيد ليكون القيد كالاتى من مذكورين

ح/المشتريات المستورده

ح/ض.المبيعات ....اذا كانت مسترده

ح/ض.ارباح تجاريه وصناعيه

الى ح/الاعتماد المستند....يتم اقفاله بهذا القيد بعد دخول المشتريات المخزن وتحميل كل  
المصاريف على الإعتماد

أسال الله التوفيق